

	21206		kat.komp
	III	Mag. St. Dr.	

Stanisl.

*Lamberti Thomae: Pantheon theologiae honoris
basilicum —*

PANEG. et VITAE
Polon. Fol.
№ 1062.

PANTHEON
THEOLOGICI HONORIS
BASILICVM,

PERILLVSTRI, & ADMODVM REVERENDO DOMINO,

D. M. MATHIÆ
STANISLAO
PSOIECKI,

S. Th: & Iuris Vtriusq; Doctori,
Protonotario Apostolico, Collegæ Ma-
jori, Ecclesiæ Collegiæ S. Floriani Canonico,
Procuratori Vniuersitatis, Contubernij Iagelloniani
Prouisor, Curato Osiecensi,
S. R. M. Secretario.

D V M

In Alma Vniuersitate Cracouiensi,

Pro Loco, inter Perillustres, & Admodum Reuerendos,
Sacræ Theologiæ Doctores obtinendo,
In Nobilissimo, Illustrium Hospitum consessu,
RITU SOLENNI RESPONDERET,
insigni Virtute, & Sapientia Architecta

ELABORATVM;

Et Submissæ observantiæ, atq; gratulatorij applausus ergo,

M. THOMAS AMBICKI,

Phiæ: Doctore, Collegij Lubranscian Posnaniensis, Rhetorices Professore,
In Orbis Literati faciem

PRODVCTVM.

Anno Salutis 1691. Die 6ta, Mensis Septembris.

CRAC: Typis Nicolai Alexandri Schedel, S. R. M. Ord: Typ.



PANTHEON

THEOLOGICI HONORIS

BASILICVM.

ARchitecturam Novi Operis molior,
Sacer utiq; Dædalus;
quia non ut Theſeos in Cretæ Labyrintho capiam;
ſed ut Virtuti conſtet ſua,
etiam ſupra Ioves Olympicos magnificentia,
Pro eius Maieſtate, & gloria operabor.
Non fatigabit moles hæc, quantumvis anguſta,
Muſarum lubentias, & Gratiarum dulcorem;
qui onus in amore alleviat;
Et licet Briareus non ſim; ſub pondere tamen hoc non ingemiſcam;
quia levius mihi ex affectu ſinceriffimæ lætitiæ prodibit;
quàm olim ad Cytharam Amphionis Thebarum mænia ſurrexere.
Ecce manus, ecce brachia,
ecce huc expaſi propè ſubſiliunt lacerti,
quò opus Baſilicum vocat;
nimirum PANTHEON, ſed Romano magnificentius:
quamvis in illo,
poſt triumphatum tot ſæculis ab Vrbe condita Orbem,
Diui per compita variè ſparſi,
Et cum Sacris pulvinaribus ſuis, ceu Scythæ, cum Papilionû Curulibus,
Totâ Vrbe vagati,
Ægrè tandem in vnum convenerint.
Habitavere quippè aliquando etiam Dij in terris,
fortè nondùm Cives, ſed inquilini:
In ædiculis ſanè Auguſtis,
In quibus, tres patuit Cæli ſpatium non amplius ulnas;
Sed evaſere tandem ad Capitolia, æſq; Corynthium,
Ad ſyl-

Ad sylvas Columniarum, Myronis, & Polycleti eboras,
Etiam Romani Populi numerum iam propè supergressa.

Quantuli fuerant illi!

In Exquilijs suis, an fortè quisquilijs?
Qui primùm Urbem Quirinam incoluere Penates,
Viminei toti, vel saligni;

quibus suffecerat pro Cæmento limus,
pro marmore pumex, pro tegmine arundo.

Sed postquam è mapalibus suis emerfere,
ecce illis nec Palatini, nec Tarpeij sufficiunt colles;
ecce illis casa Romuli pudor, quin & Parij lapides in columnis despecti,
cespirumq; regulæ, in auri laminas versæ.

Ita ne verò & boni Indigetes,

è cellulis, Cryptis, specubusq; suis egressi,
Romæ, in qua Orbis totus, devictus, & captus confederat,
de angustijs suis questj fuissent?

Nisi illis per septem colles extendisset ad magnificentiam,

Templum pacis Vespasianus,

& PANTHEON Agrippa.

Datum id superstitioni, quantum debetur sapientiæ, & virtuti!

Genius illis Divinus, & indoles non humana,

Animorumq; Regina nisi basilicè habitent,

infra Maiestatem suam reputant,

indignæ terris, & mox cum Astrea in Cælum redituræ;

Nisi illis PANTHEON, & quidem Augurum surgat.

Sed hinc non sudabunt Ponti latumiæ;

Diphenus, & Scyllis non laborabit, nec Memphis Ægyptia gemet;
nullaq; Ephesinam Divam, ex centū viginti septem Columnis deseret;

Vt opus Basilicum Cælo tholum imponat.

Tota hinc moles, tota structuræ Maieestas

Ab animo, qualis tuus est,

PERILLVSTRIS, & ADMODVM REVERENDE DOMINE,

MATHIA PSOIECKI,

S: THEOLOGIÆ DOCTOR DIGNISSIME;

Cui ex Te ipso omnis fodinarum origo,

& maius tota Hellade pretium.

Excellentia operis,

Quod Tibi in Sacra Theologia surrexit,
Bases suas fundavit, non in lapide Memphitico,
nec in Crustatis Asiæ segmentis;
Quæ edacissimi temporis arrodet, consumetq; ingluvies.
Solidissimum

In virtutè, eruditione, & modestia fundamentum,
exceptit molem duraturam sæculis;
quia fastu non tumentem, nec vana meritorum præsumptione,
in lubrico turbinatam.

Inde Tibi à teneris cum docili ingenio,
Animus disciplinæ patiens, & timoratae conscientiaë plenus;
cumq; præcellenti ingenio totum debeas,
quidquid in Te Pallas erudita congescit,
suxisti ex prima institutione,

Illum ueræ sapientiæ nobilem succum,
Æstimare potius in alijs dona Cælitus data,
quàm ambire æstimari.

Ergo, & Philosophica decora,
Quæ Tibi in coronamētum, egregij profectûs concesserāt,
Accepisti vt incitamenta Virtutis, non vt ambitionis flabella;
vnum illud cogitans,

Philosophum non pallio, vel titulo censeris;
sed totum habere intûs, quod etiam sine titulo magnificum est:

& quoniam ad labores Academicos ibas,
fine cerussa, fine fuco, delicatisq; respirijs;
elegisti spartam Academicam

Omnium laboriosissimam;

in qua operareris, non computans annos, vel tædia;
sed in censu reponens, sudatam sine umbraculo frontem,
Anhelantesq; sine respectu, & absq; solatio curas.

Genius mentis Tuæ,

quamvis inter severiores Philosophantium porticus,
non superciliosos Catones, non morosos Cynicos,
nec in rigida Stoa sinapi mordentes Zenonas,
vel è cavernis abstrusarum cogitationum, amara flamina spirans;
sed comis, sed placidus, sed tractabilis,

plus

plūs egit suavibus Ethesijs,
Quàm stridens Æolus ventis, & turbine toto.

Indè Tibi Gratia,

& viscera cordium, etiam apud impervios patentia;
Indè claritudo Nominis, & desiderium noscendi Virum;
cui nemo oris alloquia dedit, quin corde adhæserit.

Indè celsissimi sanguinis,

Pignora Tibi passim credita;

& in Dactyliothea Virtutis, sapientiæ, fideiq; Tuæ,
non Erythræi Maris, nec Ægyptiæ gazæ;
sed pretiosissimi, ex Sarmatiæ Clenodij depositi

Vniones.

Erymanthium certè caput,

Illustrissimæ Donhoffianæ Profapiæ,
Tu novus Hercules, non inter spolia victoriæ computasti;
sed augustum, sapiens, Orbiq; fecisti visendum;

ut ævi nostri Minerva,
non iam ex cerebro Iouis, sed ex hoc capite nasceretur.

Quantus gloriæ Tuæ proventus!

quanta curarum Tuarum felicitas!

quod in ea Domo, pro Corona sapientiæ,
& pro palma gloriosæ institutionis laboraveris;
quam nunc Eminentissima Cardinalitia purpura,
quam Supremi Cancellariatus Regni Sigillum,
& cor in eo Regale coronat.

Tibi quoq; lilia candoris sui,

quibus inter augusta Gratiarum viridaria pascitur;

Tibi aurei velleris inæstimabile pretium,
Supra omnes Iasones æstimatus, & Colchidem totam,

Tiaratisq; Coronatus gemmis,

Agnus ZALUSCIANUS debet.

Aperuit ille librum, & soluit septem signacula eius,
arcanis Sapientiæ mysterijs plenus;

& in cuius ore, ac pectore dulci, nihil aliud legitur,
nisi liber sapientiæ, liber vitæ.

Sed aperuit illum, clavi illa aurea,
cuius in Te obryzum,
plusquàm Lydius ille animorum lapis,
& in Orbe erudito Crisis illa maxima,
Magnus olim,
& omnes titulos suos, magnitudine gloriæ supergressus,

ANDREAS OLSZOWSKI,
ARCHIEPISCOPVS GNESNENSIS,
Regniq; Primas, Primusq; PRINCEPS,
limatissimo iudicio probavit.

Coram tantæ sapientiæ, & Eloquentiæ purpura,
Coram qua etiam Aristarchi rubuère,
Tu æstimationis Tuæ securrus, non erubuisti;
quòd in Agno eius consanguineo, vsq; ad pretiosa monilia,
in Regum pectore deponenda,
exquisitæ manus sapientiæ, & tota eloquij Attica elaboraverat;
& quod exotici etiam Soles stupuère;
cum aurei velleris augustissimum, quia Regum insigne,
ab eo præcelso Nominis Nepote,
Hispaniarum, & Indiarum corona recepit;
cuius augustum in Polonia IOANNEM,
quo non surrexit maior,
Magnus in Regem coronavit Avunculus.
Te quoq; Europa iam tum non ignoraverat,
cùm Parisij salutassent;

sed Tu lilieta hæc Narcissus, & Gratijs relinquens,
Ad masculum in Patria redijsti Septemtrionem,
Virum cogitans, & opera Heroica poscens,
pulcherrimumq; omnium ducens;
Robusta Virtute, & sapientiâ eminere,
non Mycenis; sed inter cordatos Laconas;
vbi Ephori Principes animorum sunt,
qui mentis Principatu Nobilissimi.
Hic inter Optimates sapientiæ,
Cum omnia benè, fido labori Tuo succederent;
vnum ex omnibus optimum,

Benè

Benè Aquinaticum,

Pro disertissimi oris Tui gloria,

benè & sapientèr conclusit.

Illud nimirum Benè Aquinaticum,

Quod pro Thoma locutum, nihil meliùs dixit;
& cùm nullam mercedem, nisi Te Domine postulat,
an non optimam partem elegit?

ergò dicite iusto benè;

Et cùm bonum sit sui diffusivum,

etiam Galliæ Eminentissima à Forbin purpura nôrit;
quàm augusto ore loquaris, & scribas calamo benè.

Et Tu profectò oculatissima,

Illustrissimorum Principum LVBOMIRSCIORVM,

in fonte vitreo fluminis Tui,

velut in speculo CrySTALLINO benè vidisti,

benè iudicasti pupilla;

cùm vnicum tantì sanguinis, & cordis ocellum,

Argo huic, oculi & animi tersissimi

concredendum decrevisti;

aliud quidem volentibus, qui per Illustrissimum IOSEPHUM

filium accrescentem,

res suas, & partes accrescere, sublimariq; ambiverant;

sed de filio nemo meliùs iudicavit,

vt Regiè in Schola Regni, iuxta augustæ mentis Genium,

ad eruditionis limam, & Palmam informaretur;

quàm ipse, qui ex eodem fonte sat feliciter libaverat,

fons & Parens celsissimæ in filio Indolis

A L E X A N D E R.

Viderat hic in Te,

quod Excellentibus ingenijs proprium,

dotes animi præclaras, sed non protuberantes,

non ostentatricis gloriæ avidas, vel in assentationem proiectas,

aut Thraſonum distentis foliis tumentes;

sed modestas, sed intra se rigidiorem sui censuram habentes;

susceptæ quidem provinciæ pares;

sed iusto metu, quid, & quantum susceperint expedientes;

cùm in pretiosissima Principis SRENIÆ concha,

vna hæc fuerit margarita;

cui si pretium sine mensura, certè excubiæ quoq;
sine demissa in quietem palpebra debebantur;
vt qui monile hoc, orbis, & Patriæ delicio seruabat,
Epidaurio serpente cerneret acutiùs, diceretq;
ego dormio, sed cor meum vigilat.

Ergò

Illustrissimi IOSEPHI Princeps animus,
cùm ductu Tuo, in Generali Vniuersitatis nostræ Studio,
eruditi profectûs prætextam exuisset;

Orbi Europæo iam visendo par,
iuit extra Patriam, visendus ipse magis,
& animi Maiestate augustior;
quàm augusti, qui in eo defixi hæserant,
Principum fuere oculi.

In hac specie,

purpuratis iam tum Senatorijs curulibus digna,
legebat magni Aui,

STANISLAI LVBOMIRSKI, Palatini Cracouiensis,
Virtutum, & heroicæ gloriæ speciosissima lineamenta,
Augustissimus Romanorum Imperator

L E O P O L D V S.

delectatus ex eo, quod FERDINANDI III. Imperatoris,
Patris sui, iudicium augustum non errasset;
quod eum, inter Sacri Romani Imperij Principes cooptauerit.

Viderunt hanc

Germanicæ, Belgicæ. Gallicæ oræ,
cum omnibus Musis, & Gratijs, verè Achatem gemmam,

ab ipso Christianissimo Rege,
fatis augustè æstimatam, eoq; loco habitam;
quo selectissima magnarum mentium Cimelia,
haberi in Cimeliarchio Principum solent.

At Tu

à summi, & præcellentissimi animi Viro,
P E T R O olim K O R Y C I N S K I,

Præposito Generali Miechoviensi,
ad impetrandas contra Turcarum immanem potentiam,
ab Orbis Christiani Principibus suppeticas,

Extra-Ordinario Legato,

in Hi-

in Hispaniam, & Lusitaniam;
 Secretarius tantæ Legationis Parisijs dilectus,
 quàm dilecta aureo illi pectori anima fueris,
 quantum pro eo, ob infirmiolem valetudinem toties decumbente,
 cum **Celsissimis Principibus,**
 Ministris statûs vtriûsq; Monarchiæ egeris;
 si linguæ hominum desint,
 gemmifer ipse Tagus, qui Lusitaniæ Vlisiponem alluit,
 gemmis suis, non linguis perorer;
 aut vicinum Gadibus, Herculeum *Non plus ultra,*
 de Te coram Maiestate illa,
 Solem vtrumq; Orientem, & Occidentem complexa,
Arctoi Orbis Maiestatem,
 & aureæ bipennis KORYCINIANÆ splendores,
 cultu nitidissimo supportante,
 magnificentius quàm *plus ultra* loquatur.
 Restabat iam sola,
 cælesti minor in terris, sed tamen Cælorum Vicaria,
Vaticana Maieestas;
 cui cum Principe LUBOMIRSKIO Romæ acclinis,
 gratias omnes in eum,
 ab INNOCENTIO XI. Pontifice Maximo,
 & ab Eminentissimo S. R. E. Cardinalium Senatu,
 copiosè effusas,
 recepisti gratiarum sinu capacissimo,
 mille delibutus lætitijs, & in mille solatia diffluens;
 cum videres Illustrissimum IOSEPHVM,
 ubiq; gratijs accrescentem, ubiq; SRENIAM gemmam.
 Sed hoc gemmis carius omnibus,
 quod cum Eminentissimo CAROLO BARBERINO,
 S. R. E. Cardinali, Protectore Poloniæ,
 ille tuus gemmeus Princeps,
 Te quoq; stimulo pietatis cooperante,
 apud Sacram Rituum Congregationem effecerit,
 ut processu super vita, & Miraculis Divi Tutellaris nostri,
B. IOANNIS CANTII,
 & super cultu eius immemorabili approbato,
 atq; sub ritu Duplici, Festo eius,
 per vniversam Poloniam celebrari concesso,

inter Confessores Ecclesiæ,
magnus Doctorum, & Professorum Patriarcha,
nunc gloriôsè triumphet.

Sic ad triumphantem eum eo,
Poloniæ, & Academiæ lætitiâ,
cum Themidis, & Theologica lauru Doctorali redux,
peraugustis Collegij Maioris Patribus incorporatus,
ad PANTHEON illud,

non æris quidem Corynthis columnis;
sed Magnis rei literariæ Atlantibus suffultum venisti;
in quo Te Divi omnes in compendio exceperê.

Respiria hîc nulla,
sed motus laborum, ceu in primo mobili continuus.

Te quoq;
Philosophum, Theologum, Ecclesiastem,
ac deniq; Universitatis Procuratorem,
ad Maiestates Regias, ad Generalia Ordinum Regni Comitia,
ad Tribunalitiorum Iudiciorum grande Senaculum,

sæpius delegatum,
clarum ubiq;, & eximium, ad summa omnia exercuit;
dignum etiam,

cuius Musæum, & lares Scagyriticos,
Serenissima MARIA CASIMIRA,

Regina Poloniæ,
cum Serenissimis IACOBO, & ALEXANDRO,
Poloniæ Principibus,

augusta præsentia inviseret;
cùm Serenissimus, & Inviçtilissimus

I O A N N E S III.

ad triumphalia Viennensia inviçtam mentem præparans,
& ad opportuna tanto bello suffragia Cantiana suspirans,
Sacrum, & venerabile, ac verè Basilicum,
Domus Maioris PANTHEON invisisset.

Quid hac præsentia augustius?

quid dici de Te maius unquam potuit?
quàm quod Bellatorum, & triumphatorum maximus,
quo non surrexit maior I O A N N E S,

benè

benè de Te per tot oracula dixit ;
post quæ dicere ampliùs nefas esset,
& solo Te silentio deceret venerari ;
nisi publicæ lætitiæ magnitudo vehementiùs vrgens ,
etiam mutas faceret vocales ,
& incredibili gaudio consonantes.

Ex his ego Memnonis sum statua ,
sed per Te Solem meum vocalis ;
idemq; informis operarius ;
sed immortalis gloriæ Tuæ Spiritu animatus ;
qui Tibi PANTHEON Theologici honoris augustum ,

dum in facie orbis erigo ,
nunquam Te mori cuperem ;

vt viverem tecum & in Te ,

operum immortalium Architectus.

Hoc Tibi ex animo , quò Te pariter amat , vt æstimat ,

PERILLVSTRIS, & REVERENDISSIMVS DOMINVS,

STANISLAVS BVZENSKI,

Decanus Varmiensis,

eruditarum mentium, sæculi nostri, facilè Princeps,

Musarum Vniuersitatis nostræ, amor, & delitium,

inter solennia honoris Tui, quid ni voveat?

quod inter dulces, vitæ suæ lubentias computasset,
ipse quondam Principum, & Antistitum sapientiæ, erudita voluptas,

MATHIAS CASIMIRVS TRETER,

Secretarius Regius,

vsq; ad festiva hæc Responsionis Tuæ hilaria ,

si illi par vita, vt amor in Te respondisset.

Iam ergo vota habe ,

cum Elogia, & Panegyres superaveris.

PANTHEON Tuum, Divorum Augustale,

in quo non Saturnus falcem, Iuppiter fulmina,

Mars Clypeum, Apollo Cytharam, Mercurius caduceum,

Pallas ægidem, & sarissam ;

sed Pietas, Virtus, Sapientia,
animi probitas, morum elegancia, comitatus dulcedo,
iudicii, & eloquii vigor, atq; cum his omnibus,
quæ corda omnium allicit, prona Tui demissio,
donorum cælestium medullam deposuit;
quod nunc Tibi cum Doctorali fastigio parer,
cum omnibus Gratijs, plausibus, & triumphis patear;
donec ad Sacratissimum illud Augustale
ferò venias;
in quo duodecim portæ, duodecim margaritæ,
& in quo beata æternitas, vitæ & gloriæ,
non claudit abyssos.

Nunc verò super Te,
coronamento Virtutis, & Sapientiæ Tuæ,
dum Septembrem coronas;
gemmis, & pretiosis monilibus onustus,
non septimus, sed millesimus ex alto,
cum sorte bona, in MATHIAM decidat imber;
PANTHEONQ; Tuum Divinum,
quia Theologicum coronet;
in quo de Divinarum Personarum processionibus,
quoniam sapientissimè, & subtilissimè disputasti;
ad sublime Tuum Doctor Theologus,
tramite coronato procedens,
intende, prosperè procede, &

PETER REGINA.



XX.2.5



